



Eng Rus f YouTube Twitter RSS

Առավոտ

«Ասում են՝ պոետիկ են նվագում»

➤ Ամենակարևոր լուրերը Հայաստանից՝ Telegram-ում

🕒 Դեկտեմբեր 08, 2016 13:30 👁 9

Զավանեղ 0 Կիսվել



Կանադահայ ջութակահարը՝ Երեւանյան համերգի տպավորությունների մասին

Վերջերս «Գաֆեւեւան» արվեստի կենտրոնում կայացավ կանադաբնակ հայազգի ջութակահար **Ռուբեն Կոսեմյանի** համերգը: Համերգից հետո երաժիշտը «Առավոտին» պատմեց տպավորությունների մասին: Համերգի ծրագիրը բավականին գունեղ էր՝ Սեն-Սանս, Մորիս Ռավել, Կարեն Խաչատրյան, Մոզեարտի, Չայկովսկի, Գերշվին եւ այլն:

Երաժիշտը հատուկ շեշտեց, որ Երեւանյան համերգի կայացմանն աջակցել է Canada council for the arts կազմակերպությունը: Ինչ վերաբերում է Մարթան Մոզեարտիչին, որի «Երգող ոգի» ստեղծագործությունը կատարվեց Երեւանում, նա հարավսլավական արմատներով կանադացի կոմպոզիտոր է:



Ռուբեն Կոսեմյանը պատմեց, որ Մոզեարտիչի հետ 2010թ. է ծանոթացել, Կանադայում իրեն են ներկայացրել այդ կոմպոզիտորին, հանձնել CD-ն ու հայտնել, որ Մոզեարտիչը շատ կուզենար, որպեսզի ինքը նվագեր նրա ստեղծագործությունները: Հենց կոմպոզիտորն էլ ձեռագիր ուղարկել է նոտաները Ռուբեն Կոսեմյանին:

Մեր զրուցակիցը հայտնեց, որ վերջին անգամ 6 տարի առաջ է համերգ ունեցել Հայաստանում եւ Բրուխե է նվագել՝ ֆիլհարմոնիկ նվագախմբի ընկերակցությամբ: Իսկ այս տարի կայացած համերգն առանձնահատուկ էր նրանով, որ ներկա էին այն երաժիշտները՝ Էդուարդ Թադևոսյանը, հայրը՝ Ալեքսանդր Կոսեմյանը, որոնց մոտ ինքը սովորել է, նաեւ ճանաչված կոմպոզիտորներ են եղել, այդ թվում՝ Վաչե Շարաֆյանը: «Իրենք տպավորված էին, մեծ փոփոխություն էին տեսնում 6 տարի առաջվա համեմատությամբ, ասում էին, որ պոետիկ եմ նվագում», - հայտնեց արվեստագետը:



Կարդացեք նաև

- **Չոհվածի եղբայր. «Նաիրի Մարգարյանը սուտ տեղեկություն է տարածել»**
- **Հարյուրավոր ծնողներ դեռ իրենց որդիներին են փնտրում. գունագեղ համերգի անցկացումը և հայտարարությունը, որ այն նվիրված է լինելու մեր տղերքին, համարում ենք ծանր վիրավորանք. հայտարարություն**
- **Թանգարանների միջազգային օրը նշվելու է առցանց ձևաչափով. Գաֆէսճեան արվեստի կենտրոնը պատրաստել է ինտերակտիվ ծրագիր**

Մեր գրույցի ժամանակ անդրադարձ եղավ նաև կոմպոզիտոր Կարեն Խաչատրյանին, որի հետ ինքը ծանոթացել էր Մոսկվայում: Երեւանում Կոստեմյանը կատարել էր նրա Մոնաստը՝ ջութակի եւ դաշնամուրի համար: Իմիջիայոց, Խաչատրյանի ջութակի համար գրված սոնատի առաջին կատարողը մեծանուն ջութակահար Դավիթ Օյստրախն է եղել: Կոստեմյանը հավելեց, որ Կարեն Խաչատրյանն իրեն պատմել է, թե ինչպես են իր այդ ստեղծագործությունը ժամանակին ձայնագրել հայտնի ջութակահարներ Լեոնիդ Կոզանի եւ Դավիթ Օյստրախի հետ, ինչպես է ինքը խորհուրդներ տվել սոնատը նվագելու վերաբերյալ կամ ինչպես է Յաշա Հեյֆեցը նրանից խնդրել սոնատի նոտաները, հետո էլ ձայնագրությունն ուղարկել Խաչատրյանին:

Ռուբեն Կոստեմյանը խոսեց նաև այն մասին՝ արդյոք հայկական արմատներով ջութակահարի կողմից հայ կոմպոզիտորների գործերի մեկնաբանությունը տարբերվո՞ւմ է այլազգիների մեկնաբանություններից: «Իհարկե, տարբերվում է, մեր դեպքում լրիվ այլ է ընկալումը, զգացողությունը, ավելի տաք է, դուրեկան, գենետիկայի պահը կա: Իմիջիայոց, ես այլազգի շատ դաշնակահարների հետ եմ նվագել հայկական նյութեր եւ հաճախ իրենց սովորեցրել եմ՝ ինչպես պետք է ճիշտ հնչի», - հավելեց ջութակահարը: Նա այն կարծիքին է, որ երաժիշտները պետք է շատ ճամփորդեն ու տարբեր լսարանների առաջ հանդես գան՝ «չհահճանալու» համար. «Ամեն ելույթից հետո ավելի փորձառու ես դառնում, իսկ եթե միշտ նույն վայրում ապրես ու անընդհատ նույն դահլիճներում նվագես, չես փոխվի»:

Խոսեցինք նաև արվեստում, այսպես կոչված, «հրեական» գործոնի մասին, որը առաջխաղացման նախապայմաններից մեկն է: «Օրինակ, երբ ԱՄՆ-ում պետք է համերգ կայանար, իմպրեսարիոյին հարցրի՝ եթե որեւէ արտիստ ազգանունը փոխի հրեական ազգանունով, դա իրեն կօգնի»: Իմպրեսարիոն պատասխանեց, որ իմ դեպքում որպես հայ ներկայանալն ավելի հետաքրքիր կլինի: Բացի այդ, կարելորդ նշանոդը բարձր պահելն է ու լավ նվագելը: Իհարկե, կապերն օգնում են, բայց եթե կատարողական մակարդակ չկա, ինչքան էլ կապեր լինեն, մեկ տարուց ավելի «ձգել» չես կարող: Պրոցեսի մեջ ընկնելը, բնականաբար, հեշտ է, դժվարը որպես կատարող այդ ամենը շարունակելն է», - ասաց Ռուբեն Կոսեմյանը:

ԳՈՂԱՐ ՀԱԿՈՒՅԱՆ



Լուսանկարը՝ Ռուզաննա Խալաթյանի

«Առավոտ»

07.12.2016

Ամենակարևոր լուրերը Հայաստանից՝ Telegram-ում

Գեկտեմբեր 08,2016 13:30

Զավանել 0 Կիսվել

Share

Tweet

ԲԱԺԻՆՆԵՐ՝ ,

ԽՈՐԱԳՐԵՐ՝ ,

38,669 այցելություն, 2023-05-24-ին
ըստ Google Analytics-ի:

«Բիզնես» խորագրում հրատարակված նյութերը գովազդային բնույթի են:
© 1998 - 2023 Առավոտ – Լուրեր Չայաստանից



Website is made by Peyotto Technologies Lab.

Հրատարակման կանոններ Գովազդի պայմաններ Էթիկայի վարքականոն Հասցե եւ հեռախոսներ Աշխատակազմ